



## Fundargerð hverfisráðs Reykjahverfis 28.10.2019

María Svanþrúður setti fund kl 20.30 í Heiðarbæ og bauð velkomin til fundar þau Hilmar Kára, Sif, Rúnar og Guðrúnu Sædísí til fundar. María stýrði fundi og ritaði fundargerð.

1. Á 302. Fundir byggðarráðs var tekið fyrr mál nr. 201511006 sem fjallar um rekstrarsamning v/Heiðarbæjar. Þar var bókað;

„Byggðarráð leggur til að gengið verði til samninga við núverandi rekstraraðila um rekstur Heiðarbæjar til haustsins 2020 og sveitarstjóra er falið að leggja fram samning til staðfestingar í byggðarráði. Byggðarráð óskar eftir umsögn hverfisráðs Reykjahverfis um framtíðarfyrirkomulag reksturs og/eða eignarhalds Heiðarbæjar frá hausti 2020. „

Hverfisráð minnir á ályktun opins fundar um málefni Heiðarbæjar í Reykjahverfi frá 24. apríl 2018 sem er svo hljóðandi: „**Grundvallaratriði er að íbúar Reykjahverfis hafi aðgang að sal og félagsaðstöðu í Heiðarbæ. Eignaraðild verði annað hvort á hendi núverandi eigenda eða einstaklings eða lögaðila sem hafi lögheimili í Reykjahverfi. Fundurinn fer fram á að sveitarfélagið Norðurþing hafi samráð við íbúa um framgang þessa máls og tryggi hagsmuni þeirra er varðar félagsaðstöðu hér í Reykjahverfi.**“

Hverfisráð styður fullkomlega að sveitarfélagið geri áframhaldandi samning um rekstur við núverandi rekstraraðila. Hvað varðar eignarhald Heiðarbæjar þá telur ráðið þetta málefni þarfnið almennrar umræðu meðal íbúa. Hins vegar er mikilvægt að til framtíðar þess sé gætt að þeim viðskiptasamböndum sem núverandi rekstraraðilar hafa aflað verði viðhaldið og metin til þeirra verðmæta sem þau eru. Fyrir mitt næsta ár þarf að liggja fyrir hvernig rekstri verður háttað árið 2021.

2. Snjómokstur í dreifbýli

Fyrir fundi lágu bókanir úr fundargerðum Skipulags og framkvæmdaráðs frá 16. júlí og 11. september varðandi umfjöllun um snjómokstur og útboð þeirra verkefna. Einnig yfirlýsingar starfsmanna sveitarfélagsins um hverjar þarfir íbúa í dreifbýlinu eru fyrir snjómokstur.

Ljóst er að starfsmenn sveitarfélagsins og sveitarstjórnarfólk þarf að kynna sér nánar veðurfar í dreifbýli Norðurþings með tilliti til snjósöfnunar við ýmis veðurskilyrði. Þetta hefur áhrif á aðstæður til aksturs skólabarna, öryrkja, þjónustu við eldri borgara sem og fatlaða. Einnig hefur þetta áhrif á fólk sem keyrir til og frá vinnu, bæði frá Húsavík og til Húsavíkur, innan marka sveitarfélagsins. Íbúar dreifbýlisins eiga ekki annara kosta völd en nota ökutæki til að komast á milli staða í þessu skyni og rétt er að ítreka í þessu samhengi að Norðurþing er eitt atvinnusvæði.

Hverfisráð Reykjahverfis fer fram á það að snjómokstri í sveitinni verði sinnt með þeim hætti að sómi sé af en jafnframt af skynsemi. Fram til þessa hefur verið sátt um þá þjónustu sem hefur verið í boði af hálfu íbúa Reykjahverfis og þess er óskað að hún verði áfram með svipuðum hætti. Bent er á að í sumum sameinuðum sveitarfélögum er ágætar snjómoksturreglur í gildi þar sem ljóst er að íbúar dreifbýlisins njóta þjónustu til jafns við þéttbýlið.

*Undir þessum lið vék Rúnar af fundi.*

MSJ  
BHD  
RST  
SJ HKP



### 3. Göngu og hjólreiðastígar í dreifbýli

Hverfisráð minnir á 4.gr. í fundargerð ráðsins frá 29. mars sl þar sem óskað var eftir að samhliða lagningu nýrrar hitaveitulagnar yrði gengið svo frá að nýta mætti hana sem hjóla- og göngustíga. Þykir tilefni til að minna á þetta í ljósi tíðinda af undirbúningi á lagningu slíks stígs frá Húsavík og út á Bakka.

### 4. Hverfisráð Reykjavíkverfis fagnar því að til standi að ljúka endurnýjun hitaveitulagna í Reykjavíkverfi árið 2020.

### 5. Íbúafundur í nóvember 2019.

Umræða um nauðsyn þess að boða til almenns íbúafundar í Reykjavíkverfi. Tillaga er gerð að því að boða til hans 28. nóvember nk. í Heiðarbæ.

### 6. Birting fundargerða hverfisráða Norðurþings.

Hverfisráð vekur athygli á því að fundargerðir hverfisráða hafa ekki verið birtar á vef Norðurþings undanfarna mánuði. Hvatt er til þess að staðið sé betur að birtingu þeirra.

Fleira ekki bókað og fundi slitið kl 22.05.

Manu Svartjónsdóttir  
Björn Ólafsson  
Guðrún Sædís Haukardóttir  
Sif Jónsdóttir  
Hilmar Karl Þorsteinsson